



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 65. Papa rescissis concordiae pactis Columnensium perfidiam ultus.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. A.C. 1526. Papæ declaratio non parum Franciæ, & Angliæ Legatos angebat; verebantur enim, ne itineris tam insoliti obtentu clandestina tegerentur consilia; quapropter nihil non agebant, ut Pontificem a proposito dimoverent, eique periculum exponerent, quod abs dubio immineret, si relicta Romana urbe sese Cæsaris arbitrio relinqueret.

§. LXV.

Papæ rescissis concordiaë pactis Columnensium perfidiam ultus.

Interea Henricus VIII, ut prætensi itineris consilium penitus everteret, potentiori usus medio, Pontifici triginta nummum aureorum millia dono dedit. Clemens hoc subsidio fultus, nova suscepit consilia, ac concordiaë pacta, quæ cum Columnensibus inierat, rescidit, & nuperam illorum perfidiam anathematis pœna multavit; postea vero copias, quas Roma evocaverat, ad eorum ditiones prædatum excurrere iussit, necnon Pompejum Columnam Cardinalitia dignitate exiit. Paulopost duodeviginti millium exercitum contraxit, ejusque imperium Valdemontio Comiti comisit, dato negotio, ut Neapolitani Regni finibus appropinquaret, atque Angevinæ factionis reliquias rursum

sum instauraret: Verum Germanorum Sæcul. XVI.
militum, quos Fronsbergius adduxerat, A.C. 1526,
adventus hæc quoque consilia disjecit.

Comperto enim horum itinere, Urbinatis Dux, qui Borbonium Mediolani cinctum tenebat, loca huic urbi vicina reliquit, caussatus, velle se Germanis iter occludere: Ducis tamen solertia nequaquam Pontificis metum minuebat; eo quod induciæ brevi finirentur, ac Fronsbergius magnis itineribus Italiæ appropinquaret, ac ipse quoque Neapolis Prorex jamjam in Insula Corsicana appulsus, validas Hispanorum suppetias Neapolin deferret. Nihilominus Galliarum Rex nihil interim eorum, quæ ad firmandas fœderati exercitus vires necessaria fuissent, parabat, nec etiam Anglorum Rex majorem belli ardorem præsefererat; quapropter Fronsbergius iter suum strenue prosequeretur, eodemque tempore copias suas Placentinæ ditioni admovere, a Borbonio Duce rogabatur, eo consilio, ut ambo junctis viribus Placentiam vi obruerent. Verum Salutiarum Marchio utriusque consilia evertit: nihil inde tamen Fronsbergius animo fractus, Burgum-Forstem usque processit, unde primo Padum die vigesima octava Novembris prope Hostiliæ pontem, ac demum Secciam flumen trajecit, cujus transitum

tum

Sæc. XVI.
A C. 1526.

tum Urbinatis Dux non modo non prohibuit, sed ipſus etiam inde ſeceſſit; quo circa Fronsbergius nemine obluſtante ad Mediolanenſium ditionem propius accedens, terrorem ubique diffudit, denique Menſe Decembri ad finem vergente hujus Ducatus fines ingreſſus, ibidem Borbonii Ducem proxime acceſſurum præſtolatus eſt.

§. LXVI.

*Lufitanæ Regis filia Cæſari
nupta.*

*Ant. de Vera
hiſt. de Charl.
V. p. 128. &
129.*

*Sleidan. in
comm. l. 6.
p. 172.*

Dum Italia his interim tumultibus agitabatur, Imperator Procuratoris ſui miniſterio uſus, Ulyſſipone Iſabelam Emanuelis Luſitanæ Regis Filiam uxorem duxit; cum vero præſens rerum viciffitudo promptam hujus connubii executionem ſuaderet, Carolus Sponſam peractis mox hiſce ſolemniſus in Hiſpaniam duci juſſit. Igitur illa Menſe Februario Ulyſſiponenſi portu ſolvit, comitantibus eam utroque Principe Ludovico, & Ferdinando ejus fratribus, qui unacum pluribus primæ Nobilitatis Luſitanæ Viris ad Castellæ fines proceſſerant; ſequebantur eos itidem Ulyſſiponenſis Archiepiſcopus, necnon duo regni Proceres. Obvios miſit Cæſar Toletanum Archipræſulem, Calabriae